

中州名賢集



中州名賢集



國朝中州名賢集卷十

艮峯倭先生文鈔目錄

上卷附講義

應詔陳言疏

進古帝王事蹟及古今臣工奏議疏

敬呈管見疏

請進日講疏

請修實政疏

遺摺

答吳竹如司寇書

又答吳柬

又答吳書

答竇蘭泉書

又答竇書

答于綱齋書

答費敬廬書

校訂理學宗傳辨正敘

楚南湘潭後學黃舒昂編輯

國朝中州名賢集卷十

艮峯倭先生文鈔

應 詔陳言疏

奏爲應

詔陳言仰祈

聖鑒事竊

臣蒙古世僕前蒙

先皇帝知遇之恩夙夜祇懼報稱無由我

皇上至德嗣興丕紹

鴻業

受命之初卽告諭內外臣工共矢公忠弼成郅治又復

特詔九卿科道有奏事之責者於用人行政諸大端皆得據實密陳誠念

祖宗締造之艱

先帝付託之重兢兢業業勤求上理固非徒循廣言之故事博納諫之虛名已也以臣禱昧何補高深顧念清問之殷敢忘芻蕘之獻謹就

聖諭用人行政推闡言之伏惟行政莫先於用人用人莫切於嚴辨君子小人方今

寶籙初膺勵精圖治百爾臣工惴惴焉視

九重好尚以爲趨向薄海內外亦莫不延頸舉踵觀

朝廷舉錯以卜昇平易泰之初九曰拔茅茹以其彙征吉此其時矣夫君子小人之分藏於心術者難知發於事迹者易知類族辨物約有數端敬爲我

皇上陳之大抵君子樸拙小人佞巧君子恬退小人躁競君子愛惜人才小人排擠異己君子圖遠大以國家元氣爲先小人計目前以聚斂刻薄爲務剛正不撓無所阿徇者君子也依違兩可伺候人主喜怒以爲趨避者小人也諫爭匡輔爲朝廷補闕拾遺者君子也遷就逢迎導人主遂非長傲者小人也進憂危之議悚動當心之敬心者君子也動言氣數不畏天變以滋長人君

之逸志者小人也公私邪正相反每每如此
皇上天直聰明勤學念典孰賢孰否自難逃

聖明洞鑒之中第恐

一人之心思而揣摩者眾

一人之耳目而混淆者多幾微莫辨情僞滋紛愛憎稍
涉於偏私取舍將虞其失當此知人則哲惟帝其難大
禹所以致歎也今欲求知人之道豈有他術哉亦惟
皇上好學之心勤求不怠使

聖智益明

聖德益固耳宋臣程顥云古之人君必有訓誦箴諫之

臣惟命老成賢儒俾日親便座相與講論道義以輔聖德又擇天下賢俊使得陪侍法從朝夕延見開陳善道講磨治體以廣聞聽我

朝康熙年間熊賜履上

聖祖仁皇帝疏謂大學衍義一書爲君師天下者之律令格例伏願延訪眞儒講求研究務盡其理於是考之以六經之文參之以歷代之蹟實體諸躬默念諸衷以爲敷政出治之本若夫左右近習必慎其選虎賁綴衣亦擇其人非聖之書屏而弗讀無益之事戒而弗爲內而深宮燕閒之間外而大廷廣眾之地微而起居言動

之恆凡所以維持此身者無弗備防閑此心者無弗周
則君志清明君身強固矣臣以爲二臣所言誠人君修
養身心之益用入行政之原也天下治亂繫宰相君德
成就責經筵惟君德成就而後輔弼得其人輔弼得人
而後天下治然則開講幄以贊

宸修致治要圖莫急於此矣臣學識謏陋無以仰承
德意謹就管見所及冒昧以陳伏祈

皇上採擇不勝悚惶之至謹

奏

進古帝王事蹟及古今臣工奏議疏

再臣前任

盛京禮部侍郎時公事無多得以流覽史籍因採取古
帝王事蹟及古今臣工奏議有裨君德治道者輯成二
帙茲特恭錄進

呈伏祈

萬幾之暇

乙覽及之主善爲師法其意不必泥其跡開卷有益體
諸身卽可措諸行庶幾吁咈之風堂廉交儆明良之慶
今古同符曷勝禱祝謹

奏

臣等謹將所擬章程恭摺具奏
竊臣等伏查國家設官分職
各有專司其職司之重
莫如戶部戶部之職
莫如理財理財之要
莫如審計審計之法
莫如稽覈稽覈之實
莫如考覈考覈之公
莫如核實核實之確
莫如覈實覈實之明
莫如覈實覈實之慎
莫如覈實覈實之勤
莫如覈實覈實之廉
莫如覈實覈實之忠
莫如覈實覈實之誠
莫如覈實覈實之信
莫如覈實覈實之義
莫如覈實覈實之禮
莫如覈實覈實之智
莫如覈實覈實之勇
莫如覈實覈實之節
莫如覈實覈實之廉
莫如覈實覈實之忠
莫如覈實覈實之誠
莫如覈實覈實之信
莫如覈實覈實之義
莫如覈實覈實之禮
莫如覈實覈實之智
莫如覈實覈實之勇
莫如覈實覈實之節

臣等謹將所擬章程恭摺具奏

敬陳管見疏

奏爲釋服逾期敬陳管見恭摺仰祈

聖鑒事臣等恭聞邸抄本月十四日御史劉毓楠奏請

崇尚節儉屏絕浮華一摺奉

上諭逆氛肆擾兆姓流離正君臣交儆之時豈上下恬

熙之日我兩宮

皇太后痛念

山陵未安民生未奠孜孜求治宵旰不遑所有內廷供奉業已隨時酌減爾內外大小臣工宜體此意及時振作共濟艱難毋蹈奢靡之習毋貪耳目之娛用副朝廷

崇實黜浮無敢戲豫之至意等因欽此中外臣工祇承
訓誡自罔不力求儉約矣而臣等尤有過慮者

皇上沖齡御極智慧漸開當此釋服之初吉禮舉行

聖心之敬肆於此分風氣之轉移卽於此始則玩好之
漸可慮也游觀之漸可慮也興作之漸可慮也嗜好之
端一開不惟有以分

誦讀之心而海內之仰窺意旨者且將從風而靡安危
治亂之幾其端甚微而所關甚鉅可無慎乎方今軍務
未平生民塗炭時艱蒿目百孔千瘡誠如

聖諭正君臣交儆之時非上下恬熙之日也伏願

皇上恪遵

慈訓時時以憂勤惕厲爲心事事以逸樂便安爲戒屏
玩好以節嗜欲慎遊觀以定心志省興作以惜物力凡
內廷服御一切用項稍涉浮靡概從裁減雖向例所有
亦不妨量爲撙節如是則外物之紛華不接於耳目詩
書之啟迪益斂夫心思將見

聖學日新

聖德日固而去奢從儉之風亦自不令而行矣臣等區
區愚悃爲杜漸防微起見不揣冒昧謹合詞恭摺具陳
伏祈

皇太后

皇上聖鑒謹

奏

請進日講疏

奏爲敬瀝下忱請進日講恭摺具

奏仰祈

聖鑒事竊聞考古可以知今慎終必先圖始自來求治之君或於便殿涉覽羣書或於經筵講求古訓本集思廣益之心爲勤學好問之事豈過爲是勞苦哉蓋是非悉昭於千古法戒卽判於一心心以有所慕而思奮舍己乃可以從人心以有所畏而知警思艱乃可以圖易古之人主所以致治太平者其道由此去年秋開京師盛傳